



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xxiiij Paphnutius Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

ta
S
 xliij
 Paphnu
 tius.

Dieser Paphnutius / ein Gottseliger vnd
 Christlicher Mann / ist auch inn der ver-
 samlung gewesen zu Nicea / zu der zeit Constan-
 tini / des löblichen Kaysers / Er ist ein Bischoff
 gewesen inn Egypten / Inn der verfolgung der
 Christen vnder Maximiano / ist im neben an-
 deren Christen / sein recht Aug außgestochen /
 vnd die Kniescheiben ahn dem linken Fuß
 hinweg geschnitten / vnd in die Ergruben ver-
 wiesen. Er hat grosse wunderwerck gethan / er
 hat sich häfftig wider das Decretum des Co-
 cilij von der Priester vnd Geistlichen gelübd /
 gelegt / vnd stundt offentlich auff / vnd sprach:
 Man sol den Priestern solch schwer Joch nit
 aufflegen / Vnd verthendiget gewaltig den H.
 Ehestandt. Der Kaysen Constantinus hett in
 so lieb / daß er ihn stättigs bey sich in seinem ge-
 mach gehalten / vnd hat ihm das Auge / so ihm
 vmb Christlicher bekandnuß willen außgesto-
 chen / geküßet / Darvon weiter Ruff. in quar-
 to & decimo septimo capitibus libri pri-
 mi. Soz. cap. vndecimo libri primi Eccle-
 siasticæ historiæ.

Im